

ԱՎԱԴԵՄԻԿՈՍ ՎԱՐԴԵԱ ՄԻՔԱՅԵԼՅԱՆ
(Ծննդյան 75-ամյակի առթիվ)

Կյանքում շատ բան տեսած աչքերը հատկապես բարձր տրամադրություն և ոգևորության պահերին այնպիսի տեսք են տալիս երեք քառորդարյա ճանապարհ անցած նրա դեմքին, որ ինքնաբերաբար մտածում ես Վարդգես Միքայելյանը գտել է տեղեկանքներ երիտասարդ մնալու և ստեղծարար աշխատունակությունը պահպանելու բանալին: Երբ հայացք ես նետում ականավոր հայագետի 75-ամյա կյանքի ստեղծարար գործունեությանը, արածի քանակին և որակին, ասել է թե՛ վաստակի բովանդակությանը, զգում ես, որ միայն անմնացորդ նվիրումով է հնարավոր դարձել այն, ինչ նա կատարել է, և այսօր էլ շարունակում է կատարել:



Վ. Միքայելյանը պատմագիտության ասպարեզ մտավ իր անելիքի խոր գիտակցմամբ: Հայ ժողովրդի անցյալն ուսումնասիրել գիտական պատմականության դիրքերից և համազգային պահանջներին ընդառաջ: Այսօր արդեն ժամանակակից սերնդի խորհող մեծամասնության համար ակադեմիկոս պատմաբանի կյանքն ու գործունեությունը, այդ տեսակետից, հետաքրքիր և ուսանելի է բազում կողմերով:

Վարդգես Ալեքսանի Միքայելյանը ծնվել է 1924 թ. գեկտեմբերի 5-ին Աշոցքի չրջանի Ղազանչի գյուղում: Հայրենի գյուղում միջնակարգ դպրոցն ավարտելուց հետո գորակոչվում և 1942-1947 թթ. ծառայում է սովետական բանակում, մասնակցում Հայրենական պատերազմին՝ պարգևատրվելով չքանչաններով ու մեդալներով: Հորացրվելուց հետո սովորում է Երևանի պետական համալսարանի

միջազգային հարաբերությունների ֆակուլտետում և այն ավարտում գերագանցության դիպլոմով: Ասպիրանտուրան ավարտում է 1955 թ. և նույն թվականին պաշտպանում «Գյուղացիության դրությունը և գյուղացիական ելույթները Հայաստանում 1918-1920 թթ.» թեմայով թեկնածուական դիսերտացիան: Նրա կողմ ու պատկերավոր գրելաոճի ձևավորման գործում արգասավոր են եղել 1955-1959 թթ. «Սովետական Հայաստան» ամսագրի խմբագրությունում կատարած աշխատանքի տարիները:

Պատմաբանի դիտական և գիտակաղմակերպական գործունեության օրրան է դառնում Հայաստանի Գիտությունների ակադեմիան, ուր նա գործունեություն է ծավալում 1960-ական թվականների սկզբից: 1960-

1972 թթ. Պատմութեան ինստիտուտում որպէս ավագ գիտական աշխատող, 1972-1987 թթ. «Լրաբեր Հասարակական գիտութիւններ» ամսագրի գլխավոր խմբագիր, 1988 թ. վերստին Պատմութեան ինստիտուտում բաժնի վարիչ և միաժամանակ 1999 թ. «Պատմա-բանասիրական Հանդեսի» գլխավոր խմբագիր: Ակադեմիկոս Միքայելյանի գիտական և գիտակազմակերպական գործունեութեանը բնորոշ են բաղմակողմանիութիւնը, գլխավորն ու էականը տեսնելու, նորն զգալու և նորի հետ քայելու կարողութիւնը:

Նշանակալից է Վ. Միքայելյանի վաստակը միջնադարի ամենախոշոր Հայ գաղութի՝ Ղրիմի Հայկական գաղթօջախների 600-ամյա պատմութեան ուսումնասիրման գործում: 1964 թ. լույս տեսավ գիտնականի «Ղրիմի Հայկական գաղութի պատմութիւնը» առաջին գիրքը, որը մեկ տարի հետո պաշտպանվեց որպէս դոկտորական գիտատարաճիւղ: Այնուհետև իրար հաջորդեցին նրա «Ղրիմի Հայկական գաղութի պատմութիւնը (1800-1917 թթ.)» երկրորդ գիրքը (1970), «Ղրիմի Հայկական դաղթօջախի պատմութիւնը» (ռուսերէն, 1974), «Ղրիմահայոց պատմութիւնը» (1989): Այս աշխատութիւններում հեղինակը նոր հայտնաբերված նյութերի համապարփակ ընդգրկմամբ և զրանց գիտական վերլուծմամբ տվել է զրիմահայ գաղութի պատմութիւնը սկզբից մինչև Ռուսաստանի վերջին հեղափոխութիւնը: Ակադեմիկոս Վ. Միքայելյանի զրիմյան ուսումնասիրութիւնների շարքին պիտի դասել նաև «Մովակալ Լ. Մ. Արեբբրյակով (Լազար Մարկոսի Արծաթագործյան)» ուսումնասիրութիւնը (1979), որը լուսաբանում է ռուսական նավատորմի ականավոր ծովակալներից մեկի կյանքն ու գործը: Հեղինակի այս աշխատութիւնը չափազանց կարևոր նշանակութիւն ունի Արևմտյան Կովկասում անգլո-թուրքական սազրիչ գործողութիւնների դեմ Ռուսաստանի մղած պայքարի լուսաբանման համար. ասում ենք չափազանց կարևոր, քանզի ներկայումս էլ Հյուսիսային Կովկասում ծավալվող իրադարձութիւնները պատմական անցյալի աննշան փոփոխութիւններ կրած մերօրյա կրկնութիւնն են:

Տեղին ենք համարում ընդդժեմ նաև, որ զրիմահայոց պատմութեան իր գրքաշարով Վ. Միքայելյանը ցուցադրեց Հայ ժողովրդի միջազգային կապերի (Հայ-ռուսական, Հայ-ուկրաինական, Հայ-լեհական, Հայ-իտալական) հենքի վրա համազգային շահի գիրքերից բազում աշխարհաքաղաքական հարցերի պատմագիտական և քաղաքագիտական մեկնաբանութիւններ տալու խորագիտութիւնն ու հմտութիւնը, հատկութիւններ, որ նա ձեռք է բերել ոչ միայն արխիվներում աշխատելիս, ուսումնասիրվող թեմային ուղղակի և անուղղակի առնչվող բոլոր վավերագրերը պատմաքննական վերլուծութեան ենթարկելիս, այլև դիտական ամենատարբեր մակարդակով ժողովածուներ կազմելիս և հրատարակելիս: Այս տեսակետից անանց արժեք ունեն «Հայ-իտալական առնչութիւններ (Չենովական փաստաթղթերը զրիմահայերի մասին)» (1974) ժողովածուն և ծովակալ Լ. Սերբբրյակովի վերաբերյալ «Բանբեր Հայաստանի արխիվների» պարբերականում 1973 թ. (12 մամուլ ծավալով) հրատարակված փաստաթղթերի հավաքածուն:

Տակավին 1960-ական թվականների վերջերից Վ. Միքայելյանը արցախյան հիմնահարցի արդար լուծման անդրանիկ սատարողներից էր, այն սակավաթիվ պատմաբաններից, որոնց համար անընդունելի էր «չի կարելին» և խոսքով ու գրչով ջանում էին ոչ միայն անիրագրելիներին, այլև խորհրդային բյուրոկրատիայի ամեն ինչից «լավատեղյակ» բարձրագիտ պաշտոնյաներին ներկայացնել պատմական անարդարութեան սկզբնավորման հանգամանքներն ու հետևանքները: Ավելորդ չենք համարում նշել, որ 1969 թ. Հայաստանի ԳԱ Պատմութեան ինստիտուտում, այն ժամանակվա համար իր օրակարգով աննախադեպ ինն ժամ տևած կուսակցական ժողովում, ուր քննվում էր ոչ անհայտ Զ. Բունիաթովի ու նրա խմբակցութեան կողմից Ղարաբաղի պատմութեան նենգափոխման մերկաց-

մանը նվիրված Վ. Միքայելյանի համարձակ գեկուցումը. միաբան որոշում ընդունվեց դիմել ԽՄԿԿ Կենտկոմ՝ Լեոնային Ղարաբաղի հիմնահարցը քննարկման առարկա դարձնելու պահանջով: 1978 թ. Վ. Միքայելյանի խմբագրած «Լրաբեր հասարակական գիտությունների» ամսագրի 5-րդ համարում տպագրվեց «Զ. Բունիաթովի հերթական «մտորումների» մասին» (ռուսերեն) մերկացնող հոդվածը: Ուշագրավ է նաև, որ 1988 թ. արցախյան շարժման վերելքի օրերին, երևան ժամանած ԽՄԿԿ Կենտկոմի քարտուղարներ Լուկյանովին և Դուգիխին հանձնված Լեոնային Ղարաբաղի վերաբերյալ միակ գիտական փաստաթուղթը Վ. Միքայելյանի շարադրած ընդարձակ տեղեկանքն էր: Ընթերցողի միտքը արցախյան շարժման բուռն իրադարձությունների ժամանակ Վ. Միքայելյանի ծավալած գործունեության մանրամասներով չձանրաբեռնելու համար նշենք միայն, որ նա հիմնահարցի վերաբերյալ բազում հոդվածներ տպագրեց հանրապետությունում, սփյուռքահայ և օտարալեզու մի շարք պարբերականներում, 1992 թ. ռուսերեն լեզվով լույս ընծայեց «Լեոնային Ղարաբաղը 1918-1923 թթ» վերտառություն փաստաթղթերի և նյութերի ժողովածուն, որի կազմողների ղեկավարը, պատասխանատու խմբագիրը և ընդարձակ ներածության հեղինակն էր: Անվարան կարող ենք ասել, որ առ այսօր հրատարակված նմանատիպ հրատարակություններից այն առավել լիակատարն է, ուր արտացոլված են 1918-1923 թթ. Արցախի պատմության ամենատանը քային հարցերը: Կառուցվածքային ընդհանուր ամբողջության մեջ ժամանակագրական կարգով լրացնելով մեկը մյուսին, ժողովածուի փաստաթղթերն ու նյութերը հնարավորություն են տալիս ընթերցողին ամբողջական պատկերացում կազմել երկրամասի հայության այդ տարիների հերոսական պայքարի և աշխարհի հզորների կամքով արդարությունը բանտելու դարերից եկող այդ նորագույն տարբերակի մասին: «Առաջարանում» և «1988-1992 փորձության ծանր տարիներ» հոդվածում Միքայելյանը փաստերի ու մտքերի գորեղ տրամաբանությունը ցույց է տվել ինչպես Արցախի հիմնահարցի ծագման և ձախողման պատմական լայնքը, այնպես էլ պատմական նոր շրջափուլում այն փակուղի տանող հակահայկական ուժերի համատեղ գործողությունների ամբողջական համայնապատկերը: Արդ, ութ տարի անց, բնութագրելով այդ ժողովածուն, վերստին ուզում ենք հաստատագրել, որ վերոհիշյալ պատմաշրջանի բոլոր, կամ գրեթե բոլոր, հարցերը ստացել են իրենց պատասխանները:

1990-1992 թթ. Վ. Միքայելյանը հիմնադրեց և խմբագրեց «Գոյամարտ» լրագիրը, որի էջերը հագեցված էին պատմահայրենասիրական և արցախյան հիմնահարցը լուսարանող նյութերով:

Գիտության և քաղաքականության մեջ կեղծիքի և փարիսեցիություն դեմ պայքարում քաղաքացի գիտնականի իր ինքնատիպությունը Վ. Միքայելյանը մեկ անգամ ևս հաստատեց 1995-ին, երբ գիտական և լայն հասարակայնության դատին հանձնեց «Հայկական հարցը և հայերի գեղասպանությունը Թուրքիայում (1913-1919 թթ.)» ժողովածուն՝ կայդերական Գերմանիայի ԱԳՆ քաղաքախիվի նյութերի հիման վրա: Փաստաթղթերի մեծածավալ ռուսերեն այս հավաքածուն կուռ է մեթոդական և հետևողական պատմական ժամանակագրության տեսակետից, կարևոր մի առավելություն, որի գաղտնիքը, կարծում ենք, դարձյալ այն է, որ ժողովածուի նյութերը հայտնաբերողը, գլխավոր խմբագիրը, առաջարանն ու ներածությունը գրողը Վ. Միքայելյանն է: Հեղինակին աշխատատար և պատասխանատու այս գործին մղել է ճշմարտության բացահայտմանը միշտ հետամուտ գիտնականի մեծ պատասխանատվությունը, այն իրողությունը, առիթը, որ առավել շատ վերջին տարիներին Թուրքական կառավարող շրջանները, պաշտոնական և ոչ պաշտոնական պատմագրությունը, Թուրքիայի գրավոր և բանավոր քարոզչության ողջ կորպուսը միակամ ջանում են «ապացուցել», որ Օսմանյան կայսրությունում հայերի ոչ մի զեղա-

սպանություն չի եղել: Ավելին, Հին մոտիվների նոր կատարմամբ, նրանք անգլիական, ֆրանսիական, ամերիկյան արխիվային փաստաթղթերը համարում են միտումնավոր: Ստեղծված կացություն մեջ, բնական է, առաջնահերթ նշանակություն է ստանում կայզերական Գերմանիայի արխիվներից և առաջին հերթին նրա արտաքին գործերի նախարարության քաղաքական արխիվից պաշտոնական և ոչ պաշտոնական փաստաթղթերի հրապարակումը, մի երկիր, որի կառավարության հանցավոր թողությունները և աջակցությամբ տեղի է ունեցել XX դարի առաջին ցեղասպանությունը: Ի՞նչ անել, ինչպե՞ս ծանոթանալ և ծանոթացնել լայն հասարակությանը աղճատված և հաճախ նաև չհրապարակված այն փաստաթղթերի հետ, որոնք ննջում էին եվրոպական տերությունների մեջ Հայոց ցեղասպանության ամենամեծ հանցակից Գերմանիայի արխիվներում: Ահա կարևոր մի խնդիր, որի լուծման համար ակադեմիկոսի ջանքերը ի վերջո պսակվել են հաջողությամբ:

1989 թ. Վ. Միքայելյանը մեկնեց Իոննի Հայկական ցեղասպանության շուրջ նյութերի ուսումնասիրության համար: Գերմաներենի խոր իմացությունը նրան հնարավորություն տվեց անհամեմատ կարճ ժամանակամիջոցում գերմանական արխիվներից ժողովել իրեն անհրաժեշտ փաստաթղթերը: Դրանք ավելի քան 3500 միկրոկադրեր են, որից 1000-ից ավելին տեղ են գտնում նրա կազմած ժողովածուի մեջ: Նորահայտ նյութերի ընդգրկմամբ, հեղինակը ցույց է տալիս, որ Թուրքիայի և Գերմանիայի կառավարող շրջանները տրորել էին բարոյականության տարրական նորմերը:

Արժեքավոր այս ժողովածուից զատ, Վ. Միքայելյանը 1980-ական թվականներին բազում հոդվածներ հրապարակեց հայերի ցեղասպանության կեղծարարների դեմ, որոնք հրապարակախոսական շնչով դրված մշտամնա արժեքներ են:

Ակադեմիկոս Վ. Միքայելյանը երկար տարիներ դասախոսական աշխատանք է կատարել Խ. Արովյանի անվան Հայկական պետական մանկավարժական ինստիտուտում, վաստակել ուսանողության հարգանքն ու սերը: Նրա զեկավարությամբ պաշտպանվել է մեկ տասնյակից ավելի թեկնածուական դիսերտացիա:

Ավարտելով մեր խոսքը Վ. Միքայելյանի՝ ակադեմիկոս պատմաբան գիտնականի, գիտության կազմակերպչի, հմուտ խմբագրի, հրապարակախոսի մանկավարժի մասին, չենք կարող չնշել նրա մարդկային վեհություն, բարոյական բարձր նկարագրի մասին: Այս առումներով նա անհիշաչար իր ժողովրդի հարազատ գավակն է՝ բարի, կամեցող, միշտ լավի ու գեղեցիկի սատարող: Իր ողջ գործունեությամբ նա ապացուցում և ուսուցանում է, որ հայրենիքի համար պետք է անդադար աշխատել:

Ցանկանում ենք մեծ գիտնականին, Հայրենասեր քաղաքացուն, մեր լավ ընկերոջը քաջաուղջություն և երկարամյա բեղուն գործունեություն:

ԳԱԼՈՒՍՏ ԳԱԼՈՅԱՆ
ՆՈՐԱՅՐ ՍԱՐՈՒԽԱՆՅԱՆ